


Edizione diplomatica

	<p>Bernartz de uentedorn. TUich cill qem pregon q(ue)u chan. Uolgra saubesson lo uer. Sieu nai aize ni lezer. chante qui chantar uolria. Qieu non sai ni cham ni uia. pois perdei ma benanansa. p(er)ma ma la destinansa.</p> <hr/> <p>Ai las cum muor detalan. Qieu non dorm maitin ni ser. Q(ue) la nuoich q(ua)n uau iazer. lo rossignols chanta ecia. et eu que chantar solia. Muor denoi ede pesansa. car aug ioi ni alegran- sa.</p> <hr/> <p>Damor uos dic ben aitan. Qui ben la saubes tener. res plus non pogra ualer. p(er) dieu mout fon bon amia. Mas nom duret mas un dia. p(er) qes fols qui ses fermansa. Met en amor sesperansa.</p> <hr/> <p>Amors ma mes en soan. etornat a non caler. e sieu lagues en poder. dic uos qien feira feunia. Mas sill non uol camors sia. res don ho(m) pre(n)</p>
---	--



da uenganssa. ab colp despa ni de
lanssa.

Amors eus prec de mon dan. cau-
tra pro noi puosc auer. ia mais
blandir ni temer. nous qier cado(n)cs
uos p(er)dria. Mout es fols qin uos
se fia. cab uostra falsa semblanssa.
Mauetz trahit en fianssa.

Pero p(er) un bel semblan. Sui en qer
en bon esper. Mon conort dei grat
saber. cades uol qieu chant e ria. e
dic uos que sill podia. eu seria reis
de franssa. car al plus quit pot me
nanssa.

Lemozin a dieu coman. lieis que
nom uol retenir. Q(ue)ra pot ill ben
saber. Ses uers aco quil dizia. Qen
terra estraigna niria. pois dieus ni
fes ni fianssa. no mi poc far acorda(n)-
sa.

No mo tenc a uilania. Suoi mais
ai bon esperanssa. pois ill lai re no
menanssa.

Romieu man que p(er) mamia. e per
lui farai semblanssa. Qieu ai sai
bon esp(er)anssa.

- letto 676 volte